

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), tačke III i IV Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2021. godinu Federalnom ministarstvu raseljenih osoba i izbjeglica, V. broj: 332/2021 od 25.02.2021. godine („Službene novine Federacije BiH“, broj:17/21) i člana 22. Pravilnika o unutrašnjoj organizaciji Federalnog ministarstva raseljenih osoba i izbjeglica broj: 02-02-1967-11/18 od 04.03.2019. godine i broj: 02-02-685-9/20 od 30.06.2020. godine i broj: 02-02-685-21/20 od 17.11.2020. godine, i na osnovu Odluke broj: 05-32-5- 1573/21 od 18.11.2021. godine, Federalni ministar raseljenih osoba i izbjeglica, ***raspisuje***

**Javni oglas
za dodjelu stipendija studentima-povratnicima na području entiteta Republike Srpske**

I

Objavljuje se Javni oglas za dodjelu stipendija redovnim studentima-povratnicima iz Federacije Bosne i Hercegovine na području entiteta Republike Srpske, za akademsku 2021/2022. godinu.

II

Pravo na dodjelu stipendije imaju studenti koji ispunjavaju sljedeće uslove:

1. da su članovi povratničkih domaćinstava na području entiteta Republike Srpske;
2. da imaju prijavljeno prebivalište u opštinama povratka na području entiteta Republike Srpske;
3. da studiraju na jednoj od priznatih visokoškolskih ustanova u Bosni i Hercegovini;
4. da su redovni studenti ili redovni samofinansirajući studenti, prvi put upisani na neku od godina studija, I i II ciklusa po Bolonjskom ili dodiplomskom studiju;
5. da nisu stariji od 30 godina.

III

Iznos pojedinačne stipendije za studente iznositi će 1.000,00 KM (jedna hiljad konvertibilnih maraka).

IV

Isplata stipendije će se izvršiti na žiro-račune studenata.

V

Prijava na Javni oglas treba obavezno da sadrži sljedeće dokumente:

1. Čitko popunjenu i potpisanu prijavu na Javni oglas, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića 2, Sarajevo;
2. Originalno uvjerenje/potvrda da su redovni studenti na priznatim visokoškolskim ustanovama u Bosni i Hercegovini, ne starije od 30 dana;
3. Originalno uvjerenje/potvrda fakulteta o prosjeku ocjena za studente druge i viših godina studija, i ukoliko je student dobitnik priznanja za postignuti uspjeh priložiti isti;
4. Originalno uvjerenje o prebivalištu (CIPS STUDENTA), ne starije od 30 dana;

5. Uvjerenje/potvrdu o ostvarenom povratku sa naznakom godine povratka za nosioca domaćinstva u kojem student živi (izdato od nadležnog organa original ili ovjerena fotokopija);
6. Ovjerena izjava o zajedničkom domaćinstvu, ne starija od 6 mjeseci;
7. Kopija ugovora o otvaranju žiro-računa studenta (ili potvrda banke o otvorenom žiro-računu studenta);
8. Kopija lične karte studenta;
9. Dokazi o visini prihoda članova zajedničkog domaćinstva:
 - a) Potvrda o visini plaće zaposlenih članova domaćinstva, i/ili
 - b) Ček od PIO/MIO o visini penzije/mirovine (porodična/obiteljska, starosna penzija/mirovina, invalidska penzija/mirovina) ako je član domaćinstva penzioner/umirovljenik), i/ili
 - c) Dokaz o nezaposlenosti članova domaćinstva: potvrda biroa za zapošljavanje, lične izjave o (ne)ostvarenim godišnjim prihodima ovjerene od strane općinske službe za ovjeru potpisa ili dokazi o školovanju za ostale nezaposlene članove domaćinstva.

VI

U slučaju prijavljivanja velikog broja kandidata za stipendiranje u ovoj akademskoj godini, prednost će imati studenti sa manjim prihodima po članu domaćinstva.

Prijave sa svim traženim dokumentima dostaviti lično ili poštom preporučeno, sa naznakom **“Prijava na Javni oglas za dodjelu studentskih stipendija”** na adresu:

**Federalno ministarstvo raseljenih osoba i izbjeglica
Hamdije Čemerlića 2, 71000 Sarajevo**

(Na poledini koverta navesti ime i prezime podnosioca, tačnu adresu i kontakt telefon)

Javni oglas ostaje otvoren 30 dana od dana objavljivanja.

Nepotpune i neblagovremene prijave neće se uzimati u razmatranje.

MINISTAR

dr. sci. Edin Ramić

Broj: 05-32-5-1573-1/21
Sarajevo, 18.11.2021. god.